


九 五 六  
類 號 函 架 冊

內閣文庫  
元 二  
七 四  
十 六  
六 七  
八 九

内閣文庫	
番號	漢 2479
冊數	6 ( 1 )
函號	297 118

目錄三三

297-118





吾兄丞相番陽公安撫浙江東道部郡七治所臨會稽部縣八西接行在所東際海南拊百越之區地大物衆槃槃一都會也處之踰年兵民兩安山顛水厓如立庭戶不能稱過使客飾廚傳又不能蒙子公力作長安書獨於隸古之習根著膠固手追心摹今三十餘年得黃金百如視涕唾即獲一漢刻津津然盱衡擊節輟食罷寢摩挲而謹讀之意世間所謂樂事直無以右此者喟然嘆曰天下奇寶也吾顛鄉而獨羨之為不仁空篋中得所藏碑百八十有九譯其文又述其所以然為二十七卷曰隸釋書法不必同人

隸賣

序

隸釋書法



詩經  
視之無如也則皆毛舉十數字刊諸石曰隸續其字  
同其體異參差不可齊則倚聲而彙之曰隸韻龍龜  
爵麟九尾之狐琮璜璋圭名物怪竒凡見於扁顏者  
各肖其象曰隸圖亦既釋之而又得之則列於廿七  
卷以往曰隸續大氏皆祖東漢時其高出西京浸淫  
以及魏晉者率不能什一搜羅裊粹蓋不遺餘力矣  
自篆捷於漢而為隸變於魏八分於晉宋隋唐之間  
以今視隸由康瓠之與周鼎也而唐人薦好之漢法  
益亡杜子美之詩云倉頡鳥跡既茫昧字體變化如  
浮雲陳倉石鼓又已訛大小二篆生八分又曰中郎

石經後八分蓋蕉萃則涇渭雜揉以今為隸雖杜子  
美有所不能知吾兄一旦發千古之祕藏悉主張是  
使蔡中郎復生見此數者當復有得異書之歎兄嘗  
三上奏天子乞身歸輒奉詔不許儻留不已懼其汗  
南山之竹云乾道三年十二月十八日弟左中奉大  
夫守中書舍人兼直學士院兼同修國史兼實錄院  
修撰兼侍講邁書

隸續卷第一

郎中王政碑

平輿令薛君碑

司徒掾梁休碑

防東尉司馬季德碑

中山相薛君成平侯劉君斷碑

司空殘碑

處士嚴發殘碑

郎中王政碑

君諱政字季輔漢中大守之孫從事掾之第三子也

姿履闕三 蘇之搽愛敬以事生哀憾以送終奉闕三

歐陽尚書闕 研典賁侃闕二 上闕四 童冠聿集闕 承

義方闕十 郡端右州辟從事闕二 衛上先公闕二 有

羔羊之絜齋申棠之欲闕 不營已好是正直仰不闕六

字 守防東長威闕 雙行帥下以儉決訟明闕 民霖闕二

字 淫佚革弭閭里闕二 風化宣流家闕二 施舉孝廉

除郎中三署馳名見者宗闕 當豐人爵登彼闕二 神

命闕四 罕闕 脩仁不闕 卒從氛暴年五十以元嘉三

年春正月戊寅闕三 既歿而不闕 於是門徒士夫闕

君闕二 咸有闕二 乃相與立石表行以闕 後闕 其辭

曰

於闕 明君闕 方闕 白時言樂咲由徑不曲闕 職在公

事君謇評退食蠲私透地允闕 仁慈闕三 讓忘闕二

清絜已惟德之宅有嘉厥聲令問孔碩養闕 俟闕四

夕階闕 不闕六 以勒銘闕 昭厥德

右漢故郎中王君之銘隸額在濟州王君名政字

季圃歷州從事防東長察廉除郎其壽五十以威

宗元嘉三年正月戊寅卒門徒士夫相與立此石

字雖殘闕尚多可讀者歐陽公云磨滅不復成文

名字官闕卒葬年月皆莫可考蓋察之不詳爾小

歐陽以為其字季輔趙氏以為光和元年立皆非也碑云有羔羊之絜無申崇之欲鄭司農注魯論云申張蓋孔子弟子申續家語申續字周史記申崇字周此碑所用有自來矣碑以賁為墳憾即感字繼即絕字

平輿令薛君碑

惟延熹六年春二月平輿令薛君卒烏嗟哀哉吏民其咨咨君之德迺建碑石于墓之側其辭曰  
 於皇降德于茲我君我君殿視官有世功迺侯于薛苗肩枝分作漢卿尹七世相承君之懿德性此淵真如冰之絜如玉之堅靡術不綜罔禮不遵忻忻之至

三族旨敦英名委質宣昭令聞升州入宰晒乎其勳莅政已吾爛而有成遷典平輿匪威匪仁寬猛旨濟藪矣惟清化未期月邁此竺旻吏民穆卜嘗禱屏營旻天不弔不憇遺君晡晡命不可作國人巷哭若喪厥親鬚白蹄怛童穉唵呻嗟嗟酷痛如何昊乾靈柩旋歸此空宅懷懷士傷惻顛酸辛嫵族畢至素縞填庭於旻吏民迺復追歎君初舉孝三署播名爰佐戎闕來臨汝南剖符之感千里同塵料棟真賓好此徽轂貢奇達異迴酌清英遺風令歌永矢不愴云君回軫誰不裒歡闕意迷流乃隕乃顛如可贖也

表

表

三

人百其身昔邵臨國民謂之父今也薛君追蹈厥緒  
身歿言存是謂不朽于我吏民悲慕已刊石紀銘  
永昭于後

右漢故平輿令薛君碑隸額前有叙凡三十六字  
大略云平輿以延熹六年二月卒吏民咨其德建  
碑于墓之側次有銘詩三百四言文雖無缺而不  
書其名字其云我君肇祖迺侯于薛者謂夏之車  
正奚仲也又云作漢卿尹七世相承者西京有御  
史大夫廣德沛人東京有千乘大守漢淮陽人其  
傳云世習韓詩父子以章句著名元和姓纂云薛

公獻策滅黥布其元孫曰廣德而千乘又其元孫  
也平輿豈其苗裔耶其云君初舉孝三署播名則  
知其以孝廉為郎也又云莅政已吾遷典平輿則  
知其嘗治陳留之邑也又云來臨汝南剖符之貳  
者汝南治平輿縣蓋以縣令為郡守之貳也又云  
昔邵臨國民謂之父者謂南陽大守召信臣也薛  
君為令而云追蹈厥緒者取其循良而用之不以  
守令為拘也詩云永矢弗諼禮云終不可諼兮二  
字蓋通用此則借愼為諼也揚雄傳纍既作夫傳  
說注云作古攀字此銘以君功承堅南清諼攀數

聲為一章詞句鏗鏘若合音律漢人作銘頌用韻  
 多如此韓文公此日足可惜詩出入數韻中正用  
 此體即轂即肇字質即質字爛即爛字寬即寬字德  
 即愁字賓即實字裏即懷字竺亦音篤碑云  
 遇此竺是恐  
 是亦借用

司徒掾梁休碑

上闕休字元堅盖闕二之苗裔也下闕載踵勛業文  
二字武相濟君曾號稱三下闕郎中早終君慕孝鴻軌體  
 履弘懿敬下闕為主動以禮讓為先母在周儕推人  
 抑已下闕而後流馨香播越名實先登仕郡歷五官  
下闕淵瑋遂察孝廉除郎中光祿主闕昭德塞違下闕

韜光翳耀隱身殉道隘窮不悶匪闕令始實下闕通  
 四海之門涂禁防既釋辟司徒府秉忠蹈契下闕勞  
 滿奏上拜新都令謙焉自劾寢疾於家季六下闕有  
 二月戊寅卜葬大守安平趙府君嘉厥高藜下闕尼  
 父之莢宋叙三命之伐存有立名歿宜見旌下闕守  
 節曰貞博聞曰文請謚休為貞文子爾乃祐下闕詞  
 曰  
上闕文允垂棘勤典素精孔墨高難隱深不測下闕  
二字紫極遐尉罔復潛伏靈闈張闕鼎式掌既盈命下闕  
 玄石勒立堂祠時神德歿不朽傳地僊

右司徒掾梁君碑篆額惟存掾碑二字碑錄云襄  
 州穀城有司徒掾梁君碑建安廿七年立此黃武  
 前一年也豈吳人尚用漢歷乎否則誤字也梁君  
 名休字元堅為郡五官掾歷郎中光祿主下闕辟  
 司徒府拜新都令有大葬日月而闕其所終太守  
 趙君相與謚之曰貞文子銘詩以三言為文梁君  
 終於宰邑而以公府掾書其額者重內也東都光  
 祿雖有主簿而戴就傳云舉孝廉光祿主事注引  
 風俗通曰光祿奉肸上就為主事此碑光祿主之  
 下闕一字未可斷以為簿也其云禁防既釋則鈞

黨也又有滔光翳耀隱身殉道隘窮不悶之句銘  
 則云遐尉罔退潛伏皆謂黨事當是時天地閉塞  
 邪枉熾結關三木錮五族者盡天下之名流其得  
 幸免者蓋鮮矣中平初黨禁始解久幽之士信眉  
 而復起梁君遂從聘召更二十餘年而卒郡將至  
 於累行論謚宜不在夏恭范丹之下史策既沒而  
 無傳集古如歐趙又遺而不錄幾不得比於婁壽  
 魯峻因碑碣以著見石雖勵存賴它書而得其姓  
 士之澡身厲操而能垂光於後者亦難哉契即絜

字拓

防東尉司馬季德碑

上闕四字 年九月廿九日故山陽府卒史防東守尉司馬

闕字季德闕二先出闕五氏之裔胄也闕二三代常

為侯伯周武克商闕其肩族闕四仲闕五施於民迄

于闕二丑濟其美不實其功闕二金鉅翼衛闕四彊

熾下闕于季德多有聲闕四文采惠闕恭接物眈古

好學闕三襄道下闕五闕六歲規闕二克誦其詩既

優闕六明允篤誠不闕三小闕畏慎如臨于台左公

明明委蛇其德德闕三肅肅下闕壽黃者永享五福

猥遭温疾喪友華榮下闕郡人諸友闕鄂闕驚闕二

會集汭涕霑下闕發闕舊宅消邢幽門百兩旁旁幡

恣恣送者闕悲下闕德金石播闕三媿而有闕嘉

闕寵休烏雩哀哉

右山陽府卒史防東守尉司馬君碑其名闕其字

季德有所終之月日而其年則摩滅陳勝傳云勝

攻陳陳守令皆不在獨守丞與戰譙門中張顏並

注為郡守縣令又云郡守之丞故曰守丞司馬氏

索隱曰秦無陳郡皆字是衍文守令與守丞同守

非官也劉敞原父云是陳縣之攝令游俠傳王游

公謂茂陵守令尹公曰君辱原涉如是一旦真令

至復單車歸為府吏注云守茂陵令未真為之隸  
 釋有羊竇道碑云青衣尉趙君到官六日郡召守  
 鐵官長積四月徙守成都令後還歸尉官又金鄉  
 守長侯成碑云郡授五官掾功曹守金鄉長即家  
 假印綬周憬碑陰有涇陽守長南平丞塞祇三人  
 者亦是以它官攝事此云山陽府卒史防東守尉  
 者以郡曹而攝邑官其本秩自如故猶今之兼權  
 也防東二字頗曖昧難辨故趙氏以山陽卒史名  
 之自三蒼滂喜亡李斯作蒼頡篇揚雄作訓纂篇  
 賈魴作滂喜篇名曰三蒼滂者  
 漢和帝時郎中以隸字寫三蒼隸法始廣小學不絕如綫字書行于今  
 者篇莫加於類篇韻莫善於集韻所載隸古以石  
 刻校之則攢撫尚多脫略隸法皆以悠作悠此碑  
 又省作悠稽之篇韻咸無焉聊因論此擬急就之  
 一章云湧喜悠悠獸齶幽滂喜悠悠獨無繼出表  
 隸法乖離助

劉寬楊厥碑一字數出者不再見 綵灑乖離另束世隸法乖離助  
 中世出繁陽  
 令無極山張納孔逢戚伯著富春丞碑 耽表 騁曼爭新隰矣垂騁異爭  
 新隰筆  
 意出周憬楊著韓勅孔繁陽令戚伯著樊毅碑 耽 斷據圖藉載齶斷據  
 圖籍  
 載一二出楊厥孟郁孔元賓魯峻祝睦平輿令碑 耽 氏蕞農氏義農出費汎  
 老子清河相碑  
 邦舜禹邦舜禹出鄭固 終馨終春秋出孔宙 陳  
 鄒魯出楊震 袁暴袁暴出潘乾 禽霸  
 鄒魯出楊震 袁暴袁暴出潘乾 禽霸

樹魯禽霸楚出孔耽 墨宇迹孔基宇恢出劉脩 啓劉趾

周啓劉祚出逢童 宰憂奠臯夔棄出苑鎮 鼃鉅貶朝

聚出楊厥張 莛葉曹山解葉曹出逢童華 呂孟禴孟

祖上二字出孟 秉筮禮秉典禮出帝堯 垂律疫律垂

敏出孔耽樊 便術顯孟郁郭仲奇碑 耐祿屢屢

尚李翁碑尉度 鳳雲霜露呈電燿風雲霜露星電燿

方李翁高彪 盥導壹光璵鼎彝籩籩壺兒璵鼎彝

出韓勅餘出孔宙楊 黍稷香馥慶血犧黍稷香馥

三公山史晨袁逢祝睦 滌濟謾裋虛響歸滌濟響

歸出蔡湛淮廟孔彪蔡 馮獸曷鮪鳩麟龜馮獸曷鮪鳩麟龜

龜出孔耽樊毅唐公房靈 道邊通達遭過道邊通達

遭過隨出高彪劉脩唐扶 澗澗闕奧表出澗澗闕奧

宋恩武梁馮煥劉熊碑 凡此之類皆非假借字

書所不應棄蔡伯喈奉熹平之詔列鴻都之碑晚

學咸所取正未嘗一字好奇也如前急就雖曰漢

人典刑亦石經之所不取今之學者事不師古乃

緣手隨筆變點畫篋偏旁以取新尚怪為能間有

所據不過魏晉以後字體爾此膏肓之疾也碑為

愕以邪為形 彌即彌字 中山相薛君成平侯劉君斷碑

益州刺史中山相薛下闕

巴郡大守宗正卿成下闕

惟二君下闕神府乃下闕平文武下闕祭死者下闕

薛劉征討輕下闕曰下闕賢勞下闕墅下闕功下闕

今下闕

右漢故益州刺史中山相薛君巴郡大守宗正卿  
成平侯劉君碑隸額頗雜篆體其碑髣髴二十行  
所餘其上一段它石斷裂不存矣第一行有益州  
刺史中山相薛八字第二行有巴郡大守宗正卿  
成八字第三行有惟二君三字餘皆不可句讀蓋

前兩行各舉其官後行始是碑語與廣漢屬國辛  
李二君碑正同其間有祭死者及薛劉征討字殆  
是紀述平寇之事趙氏誤以為墓刻故云古無兩  
人共立一碑者又以劉君為成平侯相詳其額初  
無相字此蓋王子侯也西京列侯其傳國皆有世  
次東京枝葉既不蕃而史筆又簡略其書于策者  
不過如東海王傳云王弟二十二人皆為列侯爾  
故劉君之名不可得而考周官大宰卿一人謂大  
宰以卿一人為之也百官志大傅上公一人太尉  
公一人太常卿一人蓋史氏用周官之法紀傳所

書居三九之官者皆不繫以公卿字惟孔廟碑稱  
吳雄為司徒公趙戒為司空公衡方碑題云衛尉  
卿與此碑所題宗正卿乃遣辭揮翰者益之非當  
時官名也太尉劉寬司空宗俱光祿勳劉曜廷尉  
仲定碑額俱不加公卿字後世以卿名其官則自  
蕭梁始

司空殘碑

上闕 躬羞觴豆婆娑尊俎盛 下闕 命爾司空子同爾

輔匪 下闕 功遂不居思冲去甚消 下闕 納我鎔范既

童且虎庶 下闕 予惟哀憤用著斯詩切 下闕

右司空殘碑四十五字政和乙未年得之西洛天  
津橋下所存片石纔五行行九字皆銘詩也字徑  
二寸餘雄健清新蓋漢代之神品其詞有云命爾  
司空故趙氏謂之司空殘碑末云予惟哀憤用著  
斯詩知其為邱壘之文也碑陰有皮氏段升子榮  
題名百有餘人訪之未獲

處士嚴發殘碑

上闕 月戊申朔五日美寻彭城 下闕 栢韻佐陳章言

霞亼巖發 下闕 生則有曾閔中行送終則 下闕 允誠

於多友不求直己 下闕 分離拔身委讓勤四體 下闕

志鑄堅仰高西遲衡門甚下闕例所述亦有一行則

可尊下闕盖孔子作春秋哀儀甫下闕塞利欲出

後是故賈有商下闕曰顯寶玉今聽表門問復下闕

勉陵德已表棧言會月下闕

上闕君丞汝南番君戶曹掾下闕

右處士嚴發殘碑所存十有二行行凡十字其大

略載栢韻陳章所言處士嚴發有曾閔之行栖遲

衡門誠於朋友引春秋哀儀甫之事後有聽表門

問復之文復下字闕蓋邑官稱嚴之行遂表其門

問復其祖繇而碑之所由立也未有丞汝南番君

及戶曹掾題名當是其時官寮也其首行月日之

下有彭城字乃其鄉國也召誥云戊午社于新邑

越七日甲子是從戊至甲為七日畢命云六月庚

午朏越三日壬申亦是從朏至壬為三日西漢律

歷志引逸書粵五日乙卯亦然惟武成云丁未祀

于周廟越三日庚戌則是祀廟之後三日去丁而

不數與召畢二篇立文不同此碑云戊申朔五日

癸丑者正用武成句法百官志孝子順孫烈女義

婦及學士為民法式者皆扁表其門許氏說文云

扁者題門戶之文則旌問之事東都蓋已有之此

碑不見歲年疑其非漢刻雖字畫不工却不類魏  
 晉以後書法棄之又可惜也碑云鑿堅仰高與今  
 為栖溪為蹊洩為夷  
 韻古響字恣即志字

隸續卷第一



隸續卷第二

新莽候鉦

耿氏鐙

五君栢梓文

征南將軍劉君神道

司農劉夫人碑

任君殘碑陰

舉吏張玄殘題名

公乘伯喬殘題名

雒陽稚子六字

平楊府君六字

新莽候鉦

候鉦重五十來斤新始建國地皇上戊二年右工二  
晦造亩夫放守史凡掾大守左丞守令嘉南共工大  
夫闕二字省

右候鉦四十二字闕二字王莽地皇二年所作紹  
興中出於金州今在毗陵胡承公家漢器如館陶  
釜甘泉內者鐙之類雖非彝鼎間古文蓋猶是篆  
體獨此器所書有波畫字尤清勁與漢末筆法無  
異孰謂西都隸字皆古拙乎范史祭祀志東夷傳

俱有建武中元之文與此所謂始建國地皇相類  
語在何君閣道碑說文黍象形如水滴而下賈山  
云黍塗其外是也而漆臬締紵椅桐梓漆之類經  
傳已多借用至今反以黍為古字漆沮之漆却有  
省其水者韓勅碑書漆作溱此云重五十來斤者  
隸法小變而借用作七也吳天璽年國山碑云神  
女告徵表祥者世有黍唐裴談司荆寺佛跡碑云  
長安貳季漆匝夫豈無據乎惟北齊文宣以七為  
漆而誅上黨王渙則寃哉虐也數自壹貳至于玖  
拾莫非假借獨柒字鄙俗無它訓若倣古而用漆

泰豈不韻勝莽本傳云莽自以土行故令太傅府  
置戊曹以戊子代甲子為六旬之首冠用戊子為  
元日昏以戊寅之旬為忌日令太史推三萬六千  
歲歷紀六歲一改元遂改年為地皇其所下書有  
上戊六年之文孟康注云上戊者莽所作歷名故  
此云上戊二年也趙氏有居攝墳壇刻石二其一  
曰上谷府卿墳壇一曰祝其卿墳壇皆居攝二年  
造趙云上谷郡名祝其縣名王莽時官名曰易史  
家不能盡紀不知府卿祝其卿為何官予嘗於廣  
漢屬國造橋碑論之矣應劭所云大縣有丞左右  
尉所謂命卿三人漢隸有吳郡府丞武開明碑而  
武榮碑中稱之曰吳郡府卿又沈子琚縣竹江堰  
碑云縣丞王卿則居攝墳壇所刻乃上谷府丞祝  
其丞也予未獲此二碑因說王莽候鉦故并及之

耿氏鐙

延光四年二月耿氏作鐙比二工張裒造

右耿氏鐙安帝延光四年所作見於錢唐薛尚功  
彝器欵識碑比二者言如此器之比有二也兩漢  
器物銘存于今者皆是篆文獨此一鐙用隸弟薛  
君酷好篆古不習隸法模勒不精頗失其真未知

此器今藏于誰氏也

五君栝栳文

大老君

西海君

東海君

真人君

仙人君

右五君栝栳文十五字予所見者已裝治成帙不得詳其形製五君之旁有捲各三徑三寸餘其中者圓若碑碣之穿上下二捲則墻編不勻亦有闕

其一者藏碑若歐趙皆所無有復不見於諸家雜

說中殆莫知為何物獨武陽黃伯思長睿作洛陽

九詠其瞻上清一篇中云窪栳五兮石栝九饗西

后兮殿東后所注甚詳今併錄其詞云睽邛阜兮

北睇眇璿題兮雲際羌胡為兮斯官肇先唐兮六

世唐初北邙有老子廟開元末廟北別建玄微觀後曰上清宮蕊殿兮穹崇桂

棟兮椒墉綺疏晃兮杲日瑤鐸韻兮曾空峩雲冠

兮紛羽袂颺為車兮鶴為驥暖群真兮飛駟悉雲

從兮仙李日旂兮霞旆騰玉虬兮沛艾款祖祀兮

肅祇瑒瓊章兮綵縹唐明皇朝謁齋宿斯宮有詩石在焉煥妙繪兮

秀發五龍儼兮千鷺列悼雨駁兮塹蒙隨一掃兮

煙滅宮壁有吳道玄畫即杜甫稱五聖聯龍袞千

更畫森羅妙絕之迹一旦掃地矣李西鬱梁子兮

翠枝樛藏史西兮麗紺牛度函關兮代邈木何為

兮此留殿後有古木相傳名梁子木老窪梓五兮

石栝九饗西后兮暇東后若胚渾兮自然差眇茫

兮難究宮中有方石上列圓穴五楯穴九俗謂之

人君東海君西海君字與漢人隸法同其穴殊無

刊刻之跡乃漢世所作以祠真仙耳圓者代梓楯

者代栝就石為之若窪尊之類或云晉世仙人白

仲理作此鍊丹非也蓋字畫類漢世隸不類晉體

栝翠兮梨紅金井露兮玉橙風思少陵兮不可再

得吾獨吟乎山之側又東觀餘論載政和中黃君

瞻上清跋語云此碑帙有五君栝梓文故書於右

且云欲考栝梓所以者觀此可知也宣和殿藏碑

錄以為漢碑而名之曰真人君石樽刻石與四老

神祚机刻石同帙良由此石就其上有器物之狀

以祀五君故或謂之栝梓或謂之石樽而黃君之

辭可據始知是洛陽上清宮中之物其文唯大老

君三字最大蓋尊老子也西海真人六字却似晉

人筆札豈鐫刻有工拙乎六經無真字獨於諸子

見之延熹中蔡邕作王子喬碑及仙人唐公房碑

皆有真人之稱矣

征南將軍劉君神道

有漢征南將軍劉君神道

右征南將軍劉君神道十字大小與王稚子闕相類而剛勁過之惟後兩字刻損兩漢雜號將軍掌征伐背叛事訖則罷不常置也唐杜佑云四征興於漢代四安起於魏初四鎮通於柔遠四平止於喪亂在光武時岑彭嘗建征南之號矣牛僧孺玄怪錄載盧公渙為明州刺史時有盜發漢征南劉將軍墓者蓋在明之翁山縣其官氏偶同非此劉君也

司農劉夫人碑

漢故 下闕

司農夫 字人 祖自會稽山陰姓劉氏伊述夫 受特

貞 闕 體性 性 純淑非禮 字不行 闕 二闕四 哲 闕三

少九族 穆闕三 帝爭 絲息盈 房 以字 巢男 改闕八字 薦

闕七 儀 闕三 容德 出笏 旺 做為 闕 八 宮 闕 復金 闕十

一 甘香車騎陣 闕十 公 公 巖 闕 牽 奉字 侯相 闕 迎

醫極 友字 悠遠索 索 名 闕廿 幽巖 哲 嗟 闕十 德 闕四

字畫圖像甄采其 闕七 衡 闕八 帝 忘

右司農夫人碑漢太尉許馱之室也首行有標題  
 之文石已剝所存數十百字其漫漶者強半惟  
 次行獨全故知其姓劉氏而為山陰之人其辭惟  
 數句可讀如云體性純淑非禮不行及孫息盈房  
 而已其云德配古列任似者以似為妣也字畫多  
 雜篆體所書以字全類孔宙碑其它偏旁多與故  
 民吳公碑中山相薛君題額相類應劭漢官儀所  
 載三公孝靈時有吳郡陽羨許馱季軼漢紀光  
 和四年馱以衛尉代劉寬為太尉今許氏兩墓皆在  
 宜興而此碑猶在夫人冢旁吳處厚青箱雜記云  
 義興有許馱廟其碑許劭所作唐開元中諸孫重  
 刻碑陰有八字云談馬礪畢王田數七徐延休讀  
 之曰談馬即言午言午許字礪畢必石卑石卑碑  
 字王田乃千里千里重字數七是六一六一立字  
 今其殘碑纔有數十字其間載許君自司農遷衛  
 尉此文稱劉氏為司農夫人則銘墓時許猶未為  
 衛尉也其碑在光和之前無疑建康王厚之云其  
 友陽羨邵偉嘗泛舟過許氏叢冢見水濱一石舉  
 而察之則許君殘碑也邵遂載以歸厚之字順伯  
 樂古多聞山陰石臺卿亦佳士相與搜竒抉怪埤

助此書為多

任君殘碑陰

上闕四字 四幸九月十日 五官掾闕三字 令闕三字 張闕三字 王闕七

字何治闕六字 先桓守史景闕二十 故官石官二闕四

中闕二 七闕四 四千木闕三 直千二百闕三 罷縛闕

官闕二 直九百闕三 中二闕三 千闕百 君殘官石

中校見左石廟龍時主事闕十 掾杜峻孟珍史阿闕

孟闕 又下闕

右任君殘碑陰蜀人謂之武帝先生任君碑陰所謂先生似若玄儒先生婁壽之類弟武帝二字必有譌者此碑可辨者不盈百字惟掾杜峻孟珍姓名獨存何孟二史僅有其姓前有四年九月十日五官掾字而紀年及名氏皆闕中有直千二百直九百及四千三千字又有石中木苴及廟就字蓋是記繕脩所費豈任君有祠於彼而邦人尊事之乎

舉吏張玄殘題名

舉吏汝南細陽張玄下闕 魏郡內黃下闕 千故吏河

內林憲闕四 二千上闕 薛令寧陽闕四 千門生濟南

鄆平闕二 文闕 千門生濟南梁鄆虞升仲遷二千門

生東郡范夏字闕二元千門生東郡東字闕六千門生東

郡字闕七千門生平下闕安德下闕千門生闕南下闕

門下闕千門生任城下闕門生下闕千上闕和五百

門生下闕五百門生下闕門生下闕

右舉吏汝南張玄殘題名其可見者故吏河內一

人門生東郡三人門生濟南二人門生平原任城

各一人薛令有其官而亡其姓名惟虞升一人郡

邑名字及所出錢無一字闕者漢碑稱舉將者有

二外黃令高彪碑稱潁川太守文君為舉將三公

山碑元氏尉樊子義稱常山相馮君為舉將其自

稱舉吏者獨於此碑見之

公乘伯喬殘題名

上闕廣都公乘伯高上闕曹守長郾審尉雍

右公乘伯喬殘題名所存者一列二人廣都及郾

皆蜀郡之邑而所題者乃其字蓋西州之殘碑也

雒陽稚子六字

先置雒陽稚子

右雒陽稚子六字其大小與王稚子二闕相若而

波磔不越乎規矩之外亦刻于稚子闕上但殘缺


不具無先後之序

平楊府君六字

平楊府君耐神

右平楊府君六字蓋漢人神道所刻者石缺不全  
莫知為何人漢字存于今鮮矣譬之麒麟一毛虬  
龍片甲皆可貴也

隸續卷第二



隸續卷第三

建平郾縣碑

巴官鐵盆銘

太尉劉寬神道二

丹楊大守郭旻碑

嚴訢碑

龍門禹廟宗季方題名

米巫祭酒張普題字

建平郾縣碑

建平元丰六月郾元同像范功平史石工穀徒要本

長廿五丈賈二万五千

右建平郫縣碑二十九字建平者哀帝之紀年其五年已改為元壽矣此云建平五年六月者與周公禮殿碑相類殆蜀道未知改元爾此碑却無篆體乃西京之佐書也隸法雖自秦始蓋取其簡易施之徒隸以便文書之用未有點畫俯仰之勢終西京之世學士大夫不留意此書故彝鼎所識碑碣所刻皆不復用之觀此數字可見當時之書法也郫者蜀郡之邑此碑近出於蜀中名之螽崖碑當是指其地名也碑之始則書年月其次書掾史又有石工之文而云長二十五丈必是鑿崖治道如何君尊棣趙尉羊竇之比其末記其所費故云賈二万五千

巴官鐵盆銘

巴官三百五十一斤新永平七年第廿七西

右巴官鐵盆銘十六字顯宗永平七年造建中靖國初黃魯直自戎州東歸厥弟叔向攝邑巫山有大鹽盆積水堂下以植蓮芡魯直去其泥而識之其文鑄出鐵上故雖有發筆而勢不可縱人或指以為篆首行惟有一字如乙而反最後一字如西

而有連筆魯直以為前刀而後酉亦謂之秦篆又以斤為戊皆誤也

太尉劉寬神道二

漢太尉劉公諱寬字文饒

漢太尉車騎將軍特進昭烈侯劉公神道

右劉公神道二刻其一曰漢太尉劉公諱寬字文

饒其一曰漢太尉車騎將軍特進昭烈侯劉公神

道各有一螭蟠屈乎其上下作獸面如彝鼎間

饗餐之象當是雙闕所刻漢隸太字不用點獨高

頤及此碑有之字法與正碑相類圖畫則微拙不

及王稚子沈新豐之精也劉公葬于洛非僻陋遐

遠之域自昔訪石刻錄古事者惟知上東門外有

門生故吏兩碑爾俱不知更有此刻信乎天下之

丹楊太守郭旻碑

君諱旻字巨公有周之裔下闕十君膺天休闕三明

德矜下闕十焉不可測闕加旨體明道術下闕十然

獨闕少仕州郡宣著嘉名察下闕十省其傷疾闕瘥

完命已免於下闕十書侍御史獄刑鞫頗憲臺如

砥下闕十除復拜郎中治書侍御史彌絳袞下闕十

隸讀

卷第三

三

里佗孚九郡咸寧河朔凱鴻激拜下闕十朝異焉是

時淮夷蠢迪而嚳官綏蕭下闕十遠齊逸俗通聖化

黎民用康移風易下闕十惟莫反初丰過耳順寤疾

瘡積延熹元下闕十徹言絕矣諸子曷仰三載禮闕

迺羣相下闕

於休我師恂恂郭君既明且喆耽此憲下闕十三

易輸勤讚理亦師獄釋放紛三典執下闕十三蛇

關機夙夜惟寅獫豸幪彼用綏海濱下闕十二連

光暉有翕永世不泯

上闕即世雖立碑頌裁足載字加有瑕服君下闕十

一字是設子故五原太守鴻議郎果及胤孫范下闕

改前文蓋用昭明祖勲德旨宣達情闕庶傳不下

右漢故丹楊太守郭君之碑篆額郭君名旻太尉

禧之兄也仕至丹楊太守以威宗延熹元年卒三

載禮闕諸子已刻墓道之銘矣而碑石狹小加有

瑕癥後十餘年當孝靈光和之二年其從子五原

太守鴻因葬太尉公遂與其孫范不改舊文重立

此碑今石已橫裂首行失其下十八字末行所失

十字文闕其半矣趙氏猶及見其全者中有彌絳

襄之文而失其下一字時郭君為治書侍御史蓋

謂彌縫袞職也西漢丹楊郡則治宛陵丹楊縣則  
 今之建康也東漢史皆作丹陽隸刻如費鳳嚴訢  
 碑亦然說者謂郡北有赭山故云此碑以丹楊題  
 之者通用前朝字也西晉移郡於建業元帝改太  
 守為丹楊尹地理志云山多赤柳故名而它書載  
 漢晉此郡字無從木者至唐天寶年始以京口為  
 丹陽郡改曲阿為丹陽縣郡縣皆非漢舊壤也西  
 漢志注丹楊云楚之先熊繹所封案史記周封熊  
 繹於楚居丹陽徐廣注云在南郡枝江縣秦齊破  
 楚屈匄遂取丹陽即其地東漢志亦云枝江侯國

有丹陽聚班史所注乃以丹楊為楚子始封誤也

膺即膺字弼即豫字官即  
 克字誥即嘉字服即癡字

嚴訢碑

惟漢中興卯金休烈和平元丰歲治東宮呈屬角房  
 月建朱鳥中吕之均萬物慈躬華澤青葱蚊行蠕動  
 咸守厥常人物同授獨遭灾霜顛質<sub>祖</sub>徂<sub>字</sub>落壽不寬  
 弘經設三命君獲其典丰六十有九禮勝蚤天咯嗟  
 痛<sub>字</sub>宁嗚呼悲傷故著名誄<sub>誄</sub>字<sub>誄</sub>曾嘆歎歎發噴<sub>憤</sub>字<sub>憤</sub>授<sub>字</sub>美  
 字<sub>字</sub>舒憲曠喟其辭曰

伊嘆嚴君諱訢字少通北自楚壯祖考相承招命道

術治嚴氏春秋馮君章句眾書洞闕靡不闕覽君體

性慈仁常容闕二忠以清白好善博愛有文有武闕二

字兼備多為郡掾史會稽諸暨尉守烏程毗陵餘暨

章安山陰長以疾去官後為丹陽陵陽丞守春穀長

舉廉選東牟兵相闕四字趙作下邳祝長典牧十城所在若神

宣布政聲闕二甘棠貧細隨附賢士敬名行旅歌謔

慎於所闕五鄭寔與相似恩澤負昂闕五名臧文威

如哮虎仙南信闕德配公劉闕三宣為二闕風闕二

至今不滅丰闕十何億掩忽摧臧闕三於闕是宮闕七

送君莫不悲哀舒氣唁闕二後宮貴人上闕二君闕

魂闕靈柩闕四農夫乘婦闕嘆闕二人僮闕復闕口

字闕三哀闕二嗟君闕四云斯闕邁闕七身甘復闕五

次子闕三昔先予女斯闕三有命不可追留嗚呼哀

哉闕何棠所宰臨十城布化垂光明功名休赫盛魏

難蔽障今歌於道闕三甘棠君不享黃耆壽賈沒歸

堂列種諸奇樹窈何禍靈魂審有知福祚遺子闕

右嚴訢碑無額政和中出於下邳漢人銘墓皆一

律此文先書其所終歲月及壽考有嗟惜之辭踰

百言始云伊歎嚴君諱訢字少通遂述其行事與

費鳳兩碑略相似銘詩亦五言列種諸奇樹一句  
又同豈此碑亦卜君所作乎訢所歷者諸暨尉烏  
程毗陵餘暨章安山陰長丹陽丞春穀長東牟侯  
相祝闕長年六十九以威宗和平元年卒其云歲  
治東宮星屬角房月建朱鳥中呂之均者謂庚寅  
四月也又云治嚴氏春秋馮君章句兩漢傳春秋  
嚴氏學無姓馮者蓋史之闕文也此碑東牟侯相  
之下長之上闕四字趙作下邳祝漢無祝縣蓋亦  
闕其一字下邳本屬東海東海則有祝其疑此邑  
嘗割隸耳今之仕者視典縣如探湯或捷徑以避  
之雖驅以三尺不過壹再為之即止訢游宦數十  
載八綰銅章多在今江浙之間雖漢人不卑小官  
自安其分亦王事易集民俗醇厚然後可以屢居  
其職也長興施元之德初既見隸釋博求闕遺轉  
搨此碑以贈我句中有脫字者俟見石本當正之  
碑以夾為殃以億  
為意以掩為奄

龍門禹廟宗季方題名

宗季方賈冬方王伯卿王伯敬趙仲方趙仲都宗元  
政賈元周賈伯常宗蓋闕宗闕奴栳后進栳石起王  
仲聿王闕子栳世起王酉子王孟宣王封祖王回闕

尹阿祿尹宣祖趙盛關趙阿關王他柱王萬全王景  
宣桃他郡賈彊春王君博王景陽賈元輔宋石霞郭  
阿胡陳政陽王仲宣馬安國左池云四陵仲武王通  
國王元方

右龍門禹廟宗季方四十一人題名百二句有四  
字趙氏錄禹廟凡二碑皆在龍門其一有皮氏長  
劉尋丞樊璋姓名而無陰其一有皮氏長安定蘇  
字而文已摩滅其陰則有汾陰趙遺數十人姓名  
官爵及西鄉亭長柏昱等名最後有龍門復民三  
十五戶人名此碑二列有四十一人姓名疑是龍

門復民而多少與趙說不合蓋別一碑也其間有  
尹阿祿郭阿胡與靈臺殺阬二碑陰相類又有王  
酉子桃他郡宗石處左池云數人俱非士君子名  
字也復姓有四陵一人亦姓氏書所無者題名之  
上有文十餘行乃唐開元中龍門令呂延祐所作  
禹廟頌楚順八分書亦猶魏老子廟碑後人刻於  
石之空處爾使趙氏有此則當錄於唐碑之列也


米巫祭酒張普題字

熹平二年三月一日天表鬼兵胡九關二仙廬道成  
玄施迺命道正一无布吟伯氣定召祭酒張普萌生

趙廣王盛黃丘字長楊奉等論受微經十二卷祭酒約  
施天師道法无極才

右米巫祭酒張普題字凡七行六十七字今在蜀  
中威宗熹平二年所刻范史劉焉傳云順帝時張  
陵客於蜀造作符書受其道者出米五斗陵傳子  
衡衡傳子魯其來學者初名為鬼卒後號祭酒注  
云熹平中妖賊大起漢中有張脩為太平道張角  
為五斗米道使病人處淨室思過祭酒以老子五  
千文都習為請禱之法此碑有天師道法及祭酒  
鬼兵字而云受微經十二卷蓋諸張妖黨相傳授  
之約觀其詞似是姓胡者初入米巫社中故召諸  
祭酒受以經法頗合史氏所載此碑字畫放縱欹  
斜略無典則乃群小所書以同時石刻雜之如瓦  
礫之在圭璧中也隸釋前已不收以其亦熹平遺  
刻遂復錄之

隸續卷第三





歸孫事不疆疆疆爾會予子惟惟受命  
命亦亦大侯龜季季粵粵玆玆裁日內翼  
引以弓弓于錫我我出友邦邦癸歷庶  
庶邦邦弓鞞大可可征征征爾鯨鯨念念秋  
秋邱邱氏如如楚楚奔奔弋武有楚八人  
平爾秦八戎伐固固于于于以齋晉八人  
威滅滅迹來來肅歸予舟舟冬我我非明卯  
有勛秋十七七七邦晉晉州州齊齊卒是  
夏公公八八繁文文侯侯王王王若若下杜  
在下下下是事事厥厥爾爾閱師師旅旅介

大宋蕙管管子王自自自會衛侯真鄭鄭辛  
辛未未未未未未未未未未未未未未未未  
子七孟季季出子迹來來于櫛櫛櫛公  
孫孫圍百鄭鄭至師勛敗敗粵人衛衛衛  
先寅管曹公櫛楚炎毛令令正正正中中  
民民生咸咸生之命命命命命命命命時  
辟辟心小小子乳嗣我德德御父冥冥伊  
皮女亦亦昭昭前前文文歸歸視了尺乃弓  
一旅旅荒荒荒荒荒荒荒荒荒荒荒荒荒荒  
子父父二二二月鄭伯伯八八八八八八八八

公于棗棗邢用公于貞貞貞是夏夏季  
季季歸麓葬我山川小子子瞻瞻滕子子  
正己已所所同同衛衛衛所所函函函所  
君君子子曰日善善所所所所所所所  
所和和所所所所所所所所所所所  
儀儀儀儀儀儀儀儀儀儀儀儀儀儀  
人番番年年年年年年年年年年年  
今今今今今今今今今今今今今今  
子子子子子子子子子子子子子子  
伯伯伯伯伯伯伯伯伯伯伯伯伯伯

韻敢曆替替替替替替替替替替  
我王王樂樂若事事絲絲不不子御御樂  
廩廩矣哉哉已已已已已已已已已已  
因因家家齊齊重禮禮公公叔叔人人入于于  
月月鄭鄭曰伯伯于于于于于于于于于  
皇皇至至自自自自自自自自自自自  
七七在在季季季季季季季季季季季  
七七月月月月月月月月月月月月月  
桓桓桓桓桓桓桓桓桓桓桓桓桓桓  
夏夏夏夏夏夏夏夏夏夏夏夏夏夏

詩經



正始中又刻古文篆隸三字石經唐志有三字石  
經古篆兩種曰尚書曰左傳獨隋志所書異同其  
目有一字石經七種三字石經三種既以七經為  
蔡邕書矣又云魏立一字石經乃其誤也范蔚宗  
時三體石經與熹平所鑄並列於學宮故史筆誤  
書其事後人襲其譌錯或不見石刻無以考正趙  
氏雖以一字為中郎所書而未嘗見三體者歐陽  
氏以三體為漢碑而未嘗見一字者近世方勻作  
泊宅編載其弟甸所跋石經亦為范史隋志所惑  
指三體為漢字至公羊碑有馬日磧等名乃云魏  
世用其所正定之本因存其名可謂謬論夏氏所  
注古文既以此碑為石經又有蔡邕石經亦非也  
隸釋鑒漢魏之字法詳公羊之題名據水經之事  
實辯二史之抵牾已定一字遺經為漢刻矣續得  
蘇氏此碑益喜前說猶墨守也歷古所疑於今始  
判會稽所鑄隸篆亦存三體數十字使來者有以  
取信焉

衛即率字  
裁即蠢字

魏下豫州刺史脩老子廟詔

告豫州刺史老聃

關五字

孔子

關二字

魯

關

為孔子立廟

關三字 相帝

關四字

政

關三字

而事老子欲

關一字

由相帝

關五

字老子闕三我屋朕亦以闕四行闕者闕五樓屋

闕二黨能嚴闕故更脩正眚温闕二秋闕八往禱闕二

字禁其宣告吏民闕二聞知如故事

黃初三年十月十五日闕子下

右魏下豫州刺史脩老子廟詔其文曰告豫州刺

史云云如故事黃初三年十月十五日下此式與

漢詔同苦縣過水北有老子廟水經云廟前南門

外有漢碑北有雙石闕甚整頓在闕南側魏文帝

黃初三年逕譙所勒此碑凡十三行行八字其磨

滅者泰半其前有魯為孔子立廟字蓋援先聖為

比也其間稱漢帝者再蓋東京惟威宗尊祠老子

帝紀載延熹八年兩遣中常侍至苦祠老子祭祀

志云延熹九年帝親祠老子於濯龍文廟為壇飾

淳金鉛器設華蓋之坐用郊天樂故魏詔再三言

之蓋是詔豫部脩祠之事當時刻之于闕也碑後

歲月日之下闕子上一字按四分歷是年十月壬

戌朔則十五為丙子曰碑之下方有唐開元及天

寶間題字數十行乃真源縣令邵昕記祠醮投龍

等事真源屬亳州今日衛真即漢之苦縣也

魏甄皇后識坐板函

文昭皇后識坐板函

右文昭皇后識坐板函八字紹聖丙子年鄴民耕地得一綠石匣廣八寸有半長倍之厚三之一鹿頂笏頭蓋其上有此八字魏文帝甄皇后神坐前之物也故嘉興守林衡之父時為相之臨漳令摸得之其字乃魏隸之工者傳於世既鮮故士大夫罕見魏史黃初中葬甄夫人于鄴明帝以母氏之故追上尊謚別立寢廟此乃明帝時所刻者

魏大嚮記殘碑

唐君元龍西人

太守先

字

大嚮

記

陳留謝

闕

渡舊樂

闕

孫有而仰廬一何過

闕

可問章

興

闕

足天

闕

趙宋

闕

岷東

闕

畢方承高

闕

范會

闕

中山

闕

時亦重晉

闕

唐景寬安定

闕

反歷陶

闕

陽

闕

剔前僧

闕

山仲喜其夫堂厨

闕

眾將望日刑庶時卒

關

烏氣

闕

維黃初三年

闕

月

字

三

絲文為書

千秋萬代

字

闕

主重居外天地始

闕

至里

闕

文王大

嚮之

闕

皇

字

高

闕

徒集有

闕

之魁萬名

闕

一據東西

南

闕

術

闕

復歌歎麗

闕

建起尚盤古羅天

闕

為感續

於其

字

闕

樵室去殆尉獲

闕

不

闕

我是

闕

憤漢則

瑞闕為至府

右大嚮記三古文為額其第三字不能識以其辭中有記字故名之此碑二百餘字損者四之一所存之文絕不可曉獨有黃初三年字其書法頗與魏受禪碑相近文帝大嚮六軍立碑于譙在是年之前兩載此書嚮作嚮或是假借受禪碑蓋鍾繇所書此碑黃初年月之下有一字其左从彘而闕其右疑是繇字或云碑在長安瑤臺寺謂之鍾繇殘碑姑傳疑以俟知者

龍即隴字

晉右軍將軍鄭烈碑

君諱烈字休林熒陽開封人也其先出自宗周建國于鄭因肱命氏君其後也遠祖呂亢節著德揚光漢氏之初近葉呂儒術博古顯名中興之後還至曾祖先生皇祖徵君蹈明哲之高尚嘉肥遂而不悶顯考將佐大匠實有茂德載在國策君應中和之醇靈摠文武之弘略清識妙於研機聰睿瞻於燭物踐逸軌之遠迹秉確然之大節故雖夙罹不造而能全老成之德居無檐石而能厲冰霜之絜是呂英材邈於羣萃至行侔於在昔初上計掾辟司隸車騎將軍府轉參寧朔將軍軍事除魏令其為政也仁呂施化則靈

詩經 卷第四  
恩衍於春陽壯已發令則神威肅於秋霜未俗變而  
歸本偽萌反於忠良玄澤洽於邦都芳風勃而南翔  
文皇帝為相國親覽萬機誥咨俾乂君已盛德宜登  
王佐遂典喉舌賦政于外百揆時序庶事無廢皇猷  
顯融光被遐裔丕等初建封平莞男

聖上踐衽拜騎都尉賜子一人爵關中侯遷馮翊大  
守于時儉允孔熾西土不靜鄙方有戎馬之塵邊邑  
覩焦烽之警君震已神武果已仁惠威懷允著寬猛  
相濟遷北軍中候典司禁戎董道羣帥明鑒審於官  
材清風激於在位義正形于聲色眾望儼而近畏故  
六軍之正咸當而請謁之言莫至遷沔州刺史加輕  
車將軍流化河濟馳風區外翰音振於天末遺嚮暢  
於吳會遐邇肅濟萬里是賴寢疾弥留乞還京輦徵  
拜議郎亨年六十大康二年秋八月丁巳薨悠悠縉  
紳莫不傷心愠天道之無誠哀邦家之喪鎮

天子乃命使者奉策追贈右軍將軍印綬謚曰僖侯  
於是故吏殿中監申揚等相與永思盛德言時計功  
昔藪父鏤烝夷之鼎魯人著泮宮之頌乃伐石建碑  
刊表茂庸俾清風奮于百世遺光流乎無窮其辭曰  
峨峨嵩嶽中夏之鎮於鑠僖侯舍德之純英齊宣朗

窮理入神龍蟠道淵振曜景雲北臨魏邦百族時雖  
登讚聖皇又典克從西守舊京威風折衝還司六軍  
肅清天五出牧萬里玄化潛通委辭名位帝嘉厥庸  
追贈寵服召顯高縱勒銘金石日月是同


大康四年七月十日辛未造

右晉故右軍將軍平莞僖侯鄭府君出碑隸額鄭  
君名烈熒陽人仕于晉初至兗州刺史輕車將軍  
召拜議郎以太康二年八月卒故吏申揚等立此  
碑四年之七月也鄭君所封其上一平字則曉然  
可識下一字額已損而銘辭亦微缺僅若莞字趙

氏以爲東莞則誤也晉縣亦無平莞非鄉名即亭  
名也予嘗以魏末至晉宋隸字無可取者晚獲此  
碑其勁健方格顧後絕配若雜置漢刻中未易甄  
別孰謂秦無人焉士君子被褐懷寶枯槁巖壑之  
下響不徹於一皋名不揚於後世與此碑等者多  
矣可勝歎哉稽山石邦哲熙明聚碑頗富今亡矣  
假之其子祖禮諸石有固問莊問兄弟亦出其所  
藏故能成書于越未得毗陵尤袁氏張駒氏數種  
旁搜遠取因以補前書之闕尤張皆第進士博雅  
之秀也

碑以嚮為響  
以縱為蹤

寬政戊午



隸續卷第四

泰定乙丑寧國路儒學重刊



